

瓶

廬

詩

稿

瓶廬詩稿卷三

目錄

題新羅崔孤雲殘碑集碑字三首爲伯寅

丙子

二月十五日被命閱直省舉人卷伯寅侍郎有

詩次韻奉答

再和闌中煮菜

題郭廉夫同年

長清

詩稿

除夕得耕煙畫卷

雨中看蕉花酬醇邸

丁丑

次前韻簡子松

六月二十六日

乾清宮恭祝

萬壽退從邵

沐生前輩祁子禾世丈夏子松同年赴彰儀門外
南淀觀荷快雨旣足禾黍蔚然次韻四首

臨吳漁山畫

七月四日與子松招沐生子禾至後湖觀荷沐生
有詩次韻奉答時將南還

遊秦氏林塘次沐生子禾韻

次韻簡祁子禾閣學

次韻曾君表

之撰

南泡觀荷

海舶南行遇楊古韞秀才以詩見投次韻答之

次韻酬朱叔彝太守

其懿

大風小泊偕古韞叔彝陟之果之巔

題吳竹橋先生湖田書屋圖次卷中蘇園公先生
韻

題陳司業

祖范詩冊

題梅花道人竹石卷爲同邑孫君

戊寅

寄丁雨生

題史晨碑

題趙粹甫同年醇邸贈詩卷子

臨董思白畫

題臨倪文正公畫

題文式巖師先公所畫煙雨江邨圖

己卯

庚辰春闈用壁間韻呈許筠庵前輩

庚辰

再用壁間韻呈麟芝庵

再用壁間韻呈景秋坪師

題劉馨山照壘前韻

筠庵贈詩有卜鄰之約依韻奉答

敬和

高廟賜徐文穆

本詩墨刻爲徐吉士

琪

題蘇州某公殉節事卷

昨爲南泡之遊今又得西泡者荷花極盛感而賦

此次汴生韻

再題天瓶金書晉門品冊次前韻

辛巳

被酒走筆簡任澹齋

慶準

遇澹齋邸舍承贈詩扇依韻奉酬

和任澹齋

同友人看海棠作

觀德殿夜直出而周巡

題法源寺方丈靜涵和尚小照

出朝陽門次通州宿燕郊

閉戶

薊州和壁閒韻

過薊州登獨樂寺閣觀太白題扁字

辛巳九月九日恭奉 慈安皇太后靈輦由觀德
殿出東直門遂登車入麥田遄迴久之叱馭者毋
損人麥

夏店題壁

薊州

醇邸惠果食清泉賦謝

帶匠進榆木牀歸已曛黑醇邸贈詩次韻

慈安顯皇后奉安禮成恭紀

醇邸以與左侯並坐照象見示敬題應教

題程樂庵水部所藏石谷畫卷

題蘇園清話圖

壬午

和任澹齋山海關見懷

次韻殷譜經前輩適園飲餞

題張勇烈公樹珊遺像

題馮尹平幽窖雪鴻畫卷

題馮吉雲觀察藝蘭圖

送周子京

原祁南歸

題黃雪軒

光燮

畫冊爲徐頌閣

郝

時頌閣將赴皖

卷之三
視學

爲徐小雲侍郎題袁通甫先生詩卷用卷中蘇齋詩韻

招友人小飲有感

癸未

今年以河流備藏發策漸得熟於地形之士

題朱保之楓江感舊圖

用東坡中秋月詩韻送士吉姪南歸

孫燮臣新得日本唐寫經欲以見貽次韻却之

燮臣再送次韻再答

燮臣三以詩來次韻奉答

瓶盧詩稿卷三目錄

瓶廬詩稿卷三

常熟 翁同龢 叔平

丙子

題新羅崔孤雲殘碑集碑字三首為伯寅

孤雲名致遠唐

時人相傳入山仙去

一洲懸火谷三道隔靈江雋句餘天寶風流豈異鄉

滅燭從枯坐壺中別有天致函勞印契擬結道人緣

時伯

寅寓酒肆榜曰壺天

法言既不惑懼志豈終移邂逅赤顙將天乎未可知

指東

國近事

二月十五日被 命閱直省舉人卷伯寅侍郎有
詩次韻奉答

齊禮堂頭客話深斯堂何事又重臨翻雲覆雨一場夢
判月批風兩翰林官燭吐花光黯黯春星冒樹夜沉沉
誰知活國書生手各有籌邊夙將心

再和闡中煮菜

鑊院朱門百丈深誰攜野餉肯來臨
穀能養性先生饌
淡到無言君子林
稜甲半生風力在
炭薪全伏露華沈
小詩亦有蕭疎趣
閒却平生老圃心

題郭廉夫同年

長清

詩稿

秋堂惜惜夜何其點鐙起看廉夫詩天風海濤互摩戛
幽花瘦竹紛離披簞瓢自足天下樂籌策未吐胸中奇
郎潛吏隱獨何事北學商量及此時

除夕得耕煙畫卷

掃地關門一事無早朝還破睡工夫嘔心已謝新詩本
熨眼聊尋舊畫圖萬戶飢寒甘獨飽半生宦達坐成愚
明年風雪荒江上添我煙波一釣徒

丁丑

雨中看蕉花酬醇邸

此是花中優鉢曇看花還許客停驂未須河朔連宵飲

且作平原十日談三疏似聞天意近

廟議禮臣已
三易稿矣

萬家

同喜雨聲甘會看草木皆生色綠徧平橋曲徑南

客如黃面老瞿曇入世聊停過路驂不解譽人猶直道
未能成佛只空談頻參拍葉心多苦親見蕉花夢亦甘
一笑下堂行脚子休論山北與山南

次前韻簡子松

一刹那中現佛曇十年前夢侍龍驂薄雲只釀霏微雨
下士難聞要眇談新政共扶乾德健舊游還戀井泉甘
一言定靜終身誦合使先生歎道南

君詩有學問大原
期定靜國家元氣

釀和甘
之句

六月二十六日 乾清宮恭祝 萬壽退從邵

汴生前輩祁子禾世文夏子松同年赴彰儀門外
南淀觀荷快雨既足禾黍蔚然次韻四首

一旣欣然萬彙青化工迴斡妙無形泰壇露禱天能格

閭闔蒿呼雨亦靈遺種蝗蝻應盡洗磬鳴鴻雁可堪聽

會教扶寸崇朝禩不獨縵欲山下亭

山右奇旱而東南亦有飛蝗

韋杜城南水一灣名區豈必遠塵寰來從丹泝東西匯

流向金譙左右環鉤盾有田容萬戶畫檐無障納羣山

種花野老猶能說鑾輅當年數往還

南淀俗呼爲南泡子有亭乾隆三年

建其東爲赴南苑
蹕路經行之地

澤暑初收雨過天朋簪小集亦良緣鞭鸞答鳳從吾輩
水珮風裳有衆仙老去詩篇多感舊醉中心事苦籌邊
不知天馬徠何意朝秣昆侖夕刷燕

寂寞空山久索居三年長閉鶴峯廬買田擬種千竿竹
引水才分一寸魚誓墓不成常惻惻挂冠未忍故徐徐
浮生祇合江湖老惆悵扁舟白髮餘

臨吳漁山畫

漁山卷爲興福默容和尚作丁丑七月見之驚
喜曰此救虎閣中物也價昂不能得翦鐙臨之
齊女峯頭劫火紅殿門零落講堂空漁山三絕詩書畫

猶使人間說默公

二百年來有後生廟堂拜疏乞歸耕
尖風涼雨秋如此誰識挑鐙作畫情

七月四日與子松招汴生子禾至後湖觀荷汴生
有詩次韻奉答時將南還

詞源三峽涌波濤走送頻煩侍史勞
書與詩人俱不老花如名士自然高
尋芳最喜同攜屐弄水還應淺著篙
默數鬢絲長歎息近來退盡筆鋒豪

輕衫團扇午風涼可惜烏篷漏日光
萬事盡如秋在水幾人能識靜中香
對拈險韻真詩將解納清流亦谷王

此地舊名西海子縱使化身千萬億可容湖海恣徜徉

西涯種竹憶名流蝦菜亭邊煙雨收小幅詩龕諸老筆

梧門學士卜築西涯寫詩龕高牙畫舫古時秋元時此地舟楫

圖寄意一時名流題詠殆徧最好花依舊開千頃歸客無因卜再遊一笑去來渾不

定平生蹤跡等沙鷗

回首秦關攬繼徐三峯秀出碧芙蕖力扶元氣凋疎後

靜歛神功戰伐餘投紱君輕八州督收竿我訪五湖漁

篋中亦有凌雲賦未敢空言託子虛

遊秦氏林塘次汴生子禾韻

居然青雀繫蓬門旋覺輕橈雪浪噴暗水過湖偏作態

好雲冒樹太無根入秋花似將歸客和韻詩難不著痕
便擬放舟東海去胸中雲夢已全吞

次韻簡祁子禾閣學

紫殿齊班侍禁鞭退朝車騎共聯翩偶攜碧玉筩中酒
來看紅雲鏡裏天杜曲桑麻開異境澄懷風雨話當年
倒冠落珮蕭閒甚錯被人呼作散仙

鄰園老樹自槎枒

昔我
有鄰園
老樹
酬唱
之作

先人與壽陽相國
屹立風霜

閱歲華天意不留將食果路人猶看未開花酬恩生死
心難盡涉世榮枯日易斜各保令名須努力長途何處
是津涯

次韻曾君表

之撰

南泡觀荷

今年殢晴雨苦少雨後看花花倍好老夫日日看花行
獨到城南愜幽抱液池水碧風迴旋紅雲明鏡爛欲然
路人指點青雀舫揖我謂我花中仙不如南城一亭敞
菰蒲作聲蘋末爽瓜皮才受雨三人却踏魚磯不輕上
誰歟主者李玉舟殷龐楊邵□行遊俞君賓敬李子客
葉郎豪氣橫清秋

海舶南行遇楊古醞秀才以詩見投次韻答之

揚名

蔣光松
江人

平生意氣傲滄洲來看東南萬里秋溫詔許持山國節

壯懷自試海天舟，早諳世路風波嶮。喜與詩人汗漫遊，
自歎迂疏老無用。此身端合守松楸。

次韻酬朱叔彝太守

其懿

才名早歲動江洲，吏事精能閱十秋。當代賈荀推接席，
一時李郭喜同舟。能談海國真奇士，暫馭天風亦壯遊。
歎我無能鬚鬢改，久隨病馬踏長楸。

大風小泊偕古醞，叔彝陟之杲之巔。

方丈蓬萊渺十洲，此臺猶占古時秋。誰開勃碣三門嶮，
竟泊瀛環萬國舟。天意已無填海力，我儕且作訪碑遊。
仙人已去神魚隱，閑煞空山老檜楸。

題吳竹橋先生湖田書屋圖和卷中蘇園公先生

韻

圖爲奚
錢生筆

無田真細事大義忍歸耕負土一襟血呼天十日晴親
朋猶惜別車馬自遄行不盡首邱感披圖眼一明
渺矣城南杜賢哉陋巷顏留貽舊家澤珍重故鄉山讀
畫亦奇事清談得暫閒因書數行字好待旅人還

題陳司業

祖范詩冊

同蘇年十四得此冊於筆客王雨皋其靜女吟
一章先公最喜誦之即同蘇亦竊仰止以爲
先生非常人也歲月不居已成老拙重覩是冊

為之憮然丁丑十二月十三日鐙下呵凍記

知止齋中聽講時兒能執筆父哦詩白頭侍直今何用
慚負寒機千丈絲

戊寅

題梅花道人竹石卷為同邑孫君

古來詩人例憫雨日日朝回作苦語桃僵柳蹇過清明
修竹流泉無處所梅花庵主仙人哉生綃一丈清風來
眼明忽到青玉峽海氣釀出金銀臺識真好事者誰子
分宜官印模糊紫石田石師兩勅敵六百年來數人耳
題詩勸倚燈燭紅星河入戶天又風書生何事苦覓句

宋方音系三
一
呪爾籀龍嘆雨去

寄丁雨生

時雨生得請開缺

儒林循吏古有幾
丁公崛起南海涯
世人欲殺李太白
何事不了張乖崖
鋤豪發伏具辣手
藏書品畫真吾儕
閉戶病足獨長喟
誰起百萬溝中骸

南海北海風馬牛
吁嗟吾與丁潮州
白頭倦聽青瑣雨
瘦骨徧走黃茅秋
築亭寫像苦相憶
燒燭賦詩聊寄愁
安知會合不可再
滄溟弄月同扁舟

題史晨碑

史君不愧魯諸生
俎豆升堂享獻成
可惜碑陰無一字

未書九百七人名

醜拙還應勝巧工評書我最服霜紅一般躍駿彎強骨
銷盡輕煤斷紙中

卅年空自誤儒冠衰病懸知不任官古墨似憐人欲去
華山婁壽送將看

題趙粹甫同年醇邸贈詩卷子

我愛京江好官廨萬疊青山展圖畫又愛五茸古縣城
野梅修竹門巷清君從兩地作太守不負玉堂著書手
九年袍笏強低顏萬戶衣襦笑開口長安八月天未秋
輕雷急雨滯客輒忽然見君泥土裏特索新詩爲破愁

新詩頻年有諾責珠玉當前重名迹已除三館舊巢痕
漫說諸侯老賓客吁嗟塵寰鳳與麟賢王亦是澹蕩人
鑿池引流天下雨種花畦菜江南春聞道長篇更矜鍊
憶君重君不敢見要知書史費評量不是山林奉遊讌
津沽行人西北風纖蘿不動旭景紅飛輪之舟古未有
况有寶氣騰長虹焦山老僧與君約一指機鋒已輸却
他時旌節徧東南此卷應留枕江閣

焦山有
枕江樓

臨董思白畫

塵海消磨鬢已霜無端來學董香光點鐙弄墨真無悞
忘却明朝橐筆忙

題臨倪文正公畫

倪文正公橫幅末署壬午冬寫案壬午爲崇禎十五年是時公年四十九公旣以言事爲烏程相國所忌落職閒居至十五年九月起兵部侍郎明年抵都拜戶部尚書作此畫時正在拜命之後啓行之先也最後書四十初度詩四首蓋補錄十年前作今余年亦四十有九悲公之志臨其畫并系以詩戊寅十二月十日

要典焚殘士路清一篇黨論太分明相公煞費推擠力破帽騎驢了此生

逐客偏蒙詔語溫
論兵籌餉已無門
蕭寥數筆雲林畫
中有憂時血淚痕

己卯

題文式巖師先公所畫煙雨江村圖

鳳城西畔月輪孤
水調歌殘一事無
躬歷八州仍獨客
手牋三略是通儒
江湖去國靈均淚
煙雨傳家海岳圖
白髮兒啼緣底事
夜來還夢過庭趨

卅年門下老門生
頗憶城西載酒行
撰杖未陪黃綺坐

題詩幸附晁

借作去聲

張名風流尚有清
芬在餘事還教俗

眼驚留得棠陰徧
南國綠蓑青笠暫歸耕

庚辰

春闈用壁閒韻呈許筠庵前輩

珊瑚網曾探嶺嶠深鋒車旋向玉關臨久推學海文章伯

公爲粵中學
海堂名宿

上繼翁山著作林匠石運斤神智定九方

相馬眼光沈歸愚籜石風流在一樣虛公愛士心

齊禮堂頭夜已深隔窗先喜履聲臨高談擊節風生座

細意論文月在林不事參禪真灑脫無言解易最淵沈

公精於禪
而深於易

獨憐白盡憂時髮尚有中宵起舞心

再用壁閒韻呈麟芝庵

璇源高處五雲深天遣文星兩度臨早擅才名誇鳳諾

新傳詩句徧難林

君典各
國事務

料量纖屑精神密收歛鋒芒

意氣沈一事教人修不到出闡先慰倚闔心

君之太夫
人年高康

健

師友淵源結契深一時冠蓋共來臨齊年何幸叨同譜

君與秋坪師筠庵前輩皆
已酉鄉榜余忝是科拔貢

佳話真堪入語林團坐引杯

春盎盎分鐙攤卷夜沈沈氍毹車席帽尋常有難得青雲

證素心

唐崔
沅語

再用壁閒韻呈景秋坪師

玉節珠鈴智略深天山瀚海舊經臨久聞制詔推邊鏢

豈獨文章重士林四海人才歸進退一言題品判升沈

區區衡校真餘事尚識更闌剪燭心

回首滄江歲月深燕臺何事又登臨
駑駘久合辭華轂病鶴猶知戀禁林
鬢雪婆娑新學改眼花錯莫夜光沈
海棠落盡清明過棖觸天涯萬里心

題劉馨山照壘前韻

官燭風簾夜氣深叩門還喜客來臨
畫圖已具新詩本

醉墨真慚老翰林

同人題詩已徧

家學青箱勤護惜郎潛白髮

久浮沈爲君豫卜登科記領取虛堂校士心

筠庵贈詩有卜鄰之約依韻奉答

坡公領貢舉妙得伯時畫沈沈會經堂豈乏能畫者欲

求題鳳手寫我麋鹿野君恩天地重大義安可捨聊儲
耦耕志終負結鄰雅夜來夢高堂淒戀鵠峯下耿耿家
國心何由一傾瀉

敬和

高廟賜徐文穆

本

詩墨刻爲徐吉士

琪

高廟乘乾日元臣翊聖躬慰留天語重賡和庶僚同貽
澤殘編裏清芬累葉中牛行三易宅葛嶺再興戎湖海
潛鱗沸雲霄弱羽冲藏衣心獨苦寶扇意何窮有子承
家學他年繼道風庭槐儼成列忠孝盛名崇

題蘇州某公殉節事卷

明季事

菴葭巷口舊祠荒猶有衣冠子姓藏大節兩篇忠孝傳

高門九葉遂儀堂哦松事蹟推循吏橫草功名等國殤

昨日新題瞿氏集劍門宰木已蒼涼

吾邑瞿忠宣死難其孫負骨歸葬與

公家乘
相類

昨爲南泡之遊今又得西泡者荷花極盛感而賦

此次沐生韻

薄雲微雨釀輕寒已作蕭條歲暮觀香國別成花世界
風潭暗起海波瀾愁多斗覺詩懷減氣定方知酒醖寬
忽憶西溪幽絕處青鐙孤棹過臨安

此是仙人碧玉壺問君何事割雲腴應官粗入菰蒲稅

好客時開櫻笋厨

地主何姓
種菜得名

白芡烏菱休論直短篷輕

掉合成圖獨憐塵海馳驅客未到昏鐘已戒途

辛巳

再題天瓶金書普門品冊次前韻

老來情景墮脩羅駿馬難登千丈坡無事獨吟還獨嘯
旁人錯認著詩魔

賀春車馬動盈千小閣無人且坐禪獨有一端差免俗
黃齏白飯作新年

被酒走筆簡任澹齋

慶準高麗使臣

范公吾鄉里朱子吾服膺偉哉鶴山翁字字中有稜三
賢手蹟同一刻抱壘寄我湖田塍不同均齋几席玩浩

氣往往浮緘滕東風峭寒雪融汁紙窗深屋明春燈海
東嘉客忽過我摩挲再拜喜弗勝謂當珍藏入篋衍世
世愛護貽孫曾我官於朝如蝨蠅舊學荒落霜鬢增長
箋鄭重索題句客過聽矣吾何能范公尹公兩書生軍
謀邊計道得朋葫蘆水路同一議竟與飛將爭騫騰考
亭居敬常兢兢鶴山守正道力凝試觀轉對數劄子却
慮疆圉多憑陵長安邸舍清於冰我往叩門客不謦豈
無新詩發一笑恐非急務安足矜營平勃碣轉遼海東
西一氣搏鯢鵬觀書季札今老矣嗚呼吾道其終興

過澹齋邸舍承贈詩扇依韻奉酬

春星如月雪風涼客話無多別意長暖閣矮屏傳燭早
官厨行竈煮茶香小詩漫試凌雲手淺酒聊寬吸海腸
極目樽桑青未了萬波聲裏百靈藏

萬萬波波
笛中語也

廿五年前首重迴天涯蹤迹各驚哈何期彭澤先生柳
尚寄江南驛使梅

令弟蓮齋吾故人也
為縣尹告歸久矣

壽骨君家生有

種笑顏塵世若為開蓬蒿門巷清如水莫訝雞林舊雨
來

和任澹齋

銀燭同趨紫陌塵班心喜見鶴精神誰知東海來朝客
竟是中州撲學人

前賢立志事終成風俗先從禮教明我是嵩陽老居士
送人萬里不勝情

旅雁何須說稻梁敝廬喬木久荒涼露蓮別有神仙宅
輸與高人自在香

同友人看海棠作

海棠庭院酒樽開各賦新詩趣補裁

壬戌春闈分校余與王少鶴趙元青

錢莘伯各有勸林穎叔京兆補海棠詩

十九年中春夢過兩人白髮看花

來

歐九歸田道路賒料應回首望京華不知南國相思豆

可抵東風及第花

謂穎叔

觀德殿夜直出而周巡

閔室黯星斗魚鑰夜沈沈明鐙導我行列戟肅以森却
從西北門步繞景山岑前騶何誼囂聚櫟雜謳吟解放
汝弓刀坐臥松栝陰曲跼者爲誰吾官非羽林

題法源寺方丈靜涵和尚小照

呂梁山下路漫漫戲馬臺前白月寒

和尚徐州人與協揆李公善

佛

印舊稱蘇子客茆溪偶襲玉琳官搬磚弄瓦談何易秉
拂開堂事大難我不識師師識我任他翻轉倒來看

城南大刹今無幾每遇芳時到一回臘粥齋廚尋畫去

傳雲三十二相

春燈廊廡摸碑來

唐碑

塵中亦有江湖趣世上

原無島可才留得青松紅杏句畫圖長爲智公開

青松紅杏

卷智樸所留今在崇效寺余爲之重裝

出朝陽門次通州宿燕郊

出郭便輕快輕車熟往還微黃秋半葉淡墨雨中山千
鋪深泥裏雙橋落漲閒我行得高臥毋乃太安閑

葦壁添新薄茅檐綴晚瓜尋常小村落珍重古田家穀
賤非農病錢荒有衆譁從來富强術畢竟是桑麻

老矣真無用歸歟敢遂初家風爲政拙舉業讀書疏文
質從三變榮枯集一虛君看揭揭者豈是古之車

多病偏憎熱今朝又怯涼秋陰含雨重野樹劃沙長馬

矢煨茶苦羸網載果香一餐吾愧汝底事宿春糧

閉戶

閉戶竟高臥不知有送迎粗疏容傲態灑脫見真情快
若雨風過悄無人馬聲從知古名將萬騎可橫行

薊州和壁閒韻

李氏茶煙語太迂逍遙空谷有名駒上盤別有仙靈氣
辛苦看松到半途

八分題字亦狂迂想見昂昂千里駒商女琵琶豪客劍
誤人物色是征途

過薊州登獨樂寺閣觀太白題扁字

翠柏高槐古意多，眼明飛閣極差我。觀碑過客今無幾，
題扁仙人可奈何。巖句有時編杜集，雪堂何必定東坡。
逍遙樓宇殊平鈍，俗手鉤摹恐易訛。

辛巳九月九日恭奉

慈安皇太后靈輦由觀德殿出東直門遂登車入麥田
迢迢久之叱馭者毋損人麥

小車真箇是雞栖，旋入平原路轉迷。詔語每憐秋後麥，
臣心分別道旁梨。漲天塵起千車轍，殷地雷聲萬馬蹄。
二十年中恩似海，耕氓蠶婦盡含悽。

夏店題壁

解鞍容暫憩，隱几且高眠。何事門前客，偏爭賣草錢。
黃花與白雁，其奈客愁何。一樣宣仁誅，蘇公涕淚多。

薊州

欲訪城南塔，登臨意轉傷。燕歌悲似哭，薊樹老先黃。
二水舊提遏，三關古摧場。由來豪俠地，慎勿鬪身強。

醇邸惠果食清泉賦謝

旅中得一飽，薄物亦清標。里古陶彭澤，栗軒新鄭板橋。

橄欖題糕尤喜軟，花糕說餅妙能焦。蛋餅知是天廚味，詩情未

敢驕。

人天同此味，今昔感難休。一勺滌襟水，卅年花萼樓。松

盤環蹕路龍喜護靈湫何意青油幕閒調紅玉甌

帶匠進榆木牀歸已曛黑醇邸贈詩次韻

切切餘哀尚未忘老來淚皆怯鐙光方中穿土衣裳潤

龍首談經辯論長

是日風水官李唐定寶牀方向

玉頂峯頭曾並轡溫

泉亭上憶流觴七年一瞥空怊悵羞插茱萸滿鬢霜

有約青山意豈忘冷雲晴日好秋光萬家村落人煙聚

市地松陰閣道長野宿貔貅常減竈

帳房漸稀

巖栖猿鶴亦

傳觴

山中有來饋酒食者

西風吹雨蕭條甚一夜千林盡變霜

慈安顯皇后奉安禮成恭紀

沒世民心感不忘月重輪復日重光名賢宗室推元祐

本紀班書仿子長宮禁十年綈弋服園陵一慟菊花觴
天心默識皇情軫極目郊原盡雪霜

醇邸以與左侯並坐照象見示敬題應教

鳳凰麒麟世所珍遼哉不與斯民親雲霄想像一鱗羽
縱極摹繪知非倫泰西奇器妙圓相一匊亭育太古春
山河大地盡倒影餘事貌徧賢豪人盤宗龍種不可畫
俗手未試先逡巡雲舒霞卷神骨秀蕭然自放天池濱
湘陰相公最奇特當路老罷兀不馴經行萬里歷百戰
却來天府垂朝紳王侯將相等閒耳古來銷歇皆灰塵
惟此一腔忠孝性震駭耳目生精神吾聞周公輔相日

召公往卜洛邑新推原天命勛敬德思深義重辭周諄
洎乎召公告老去周公留之君奭陳曰我二人共篤斐
如見涕淚沾裳巾丈夫氣類各有合焉能隨俗爲笑顰
圖中端委屹嵩華世上肝膽區越秦印將萬本傳萬國
東盡日出西無垠青雲驥尾良會合白髮江湖多逸民
題程樂庵水部所藏石谷畫卷

圖爲在慈先生作其郎君梓材囑耕煙畫不三
日而化去故圖以歸其尊人寄挂劍之意云云
我本東南人知解圍一方談詩與論畫不出吳越疆國
初推畫宗婁東有三王吾虞耕煙翁秀起稱雁行耕煙

與麓臺同時相迴翔麓臺簡而古耕煙密而蒼我重麓
臺畫筆勢中鋒藏亦頗愛耕煙精思入微茫一登來青
閣再上清暉堂徧識其雲仍得傾縑素囊長安紅塵中
覲此水曹郎炯然一瘦鶴眸子清而光我忝爲長官性
不耐鞿韉金魚換破紙相遇陳思坊示我一幅圖烹茶
爲評量飛泉豈無根雜樹儼生香圖中數行字感歎人
琴亡觸我失子痛清淚流淋浪君看耕煙翁脫身富貴
場吳閭暫棲泊一諾千金償男兒重氣節淺語毋相忘
我豈知畫者詩又非所長特與耕煙翁舊廬鬱相望對
君長歎息荒我湖田莊

壬午

題蘇園清話圖

圖爲吳慎生舍人作以贈朝鮮使臣金益容蘇園徐頌閣所居也

白髮蒼顏老秘書西園何幸集簪裾似聞海國稱三絕

未必吳趨盡六如

是日坐皆吳人六如居士吳中明賢唐寅也

題扇大書風

格古送詩小扎角筒粗往來侍史喧騰甚應怪吾儕習

氣迂

近來鄒衍喜談天環海瀛洲路渺然不見異書終缺事
偶論丹訣亦前緣要知騎鶴方成道欲學屠龍豈計年

此是吾儕真實意未應藉醉愛逃禪

和任澹齋山海關見懷

渝關見月遠懷人行札封題意倍親隔海論交今有幾
頻年入夢是何因來詩語意官因懶散常思退書爲遺忘不
喜新欲識瓶生近來狀鴟夷猶點屬車塵

次韻殷譜經前輩適園飲餞

疾風三日黃埃飛海棠落盡春已歸登高極目愴我臆
何況送客增悽其白駒已駕不可維祇有妙語相追貽
玉堂金馬一場夢歸來荒徑皆茅茨公之新居亦復佳
有琴有書朝夕斯隔牆醉呼潘太師潘公作相三十載

牛行宅第長乖離公亦出入鳳凰池三度京兆玉尺持
其閒蕩節東西馳風霆獨立屹不懼 霽顏却荷 先
皇慈至今疏稿播海外侏儻象猶然疑適園春物何
芳非有酒滑我斟酌之柳條淡宕東風吹我已自歎白
髮稀况公梨顏胡不衰三天舊事不忍說賤子安敢贊
一辭澄懷巢痕先人栖親見道光中葉時神龍在潛氣
沖穆 天語簡默精覃思國家景運開重熙螽斯詵詵
行可期書齋桀黠家法在如公坐講多所裨惜哉此願
今已違徒令後進生吁噉此則莊語非諧嬉公今引年
豈病痲漢陰灌園且息機祝公明年當再來即不再來

亦甚樂四海識公霜鬢絲平生事君志勿欺進無所希
退奚悲長安一笑獨向西藥飢不厭衡門低得閒還補
金鑾詩詩成寄我江南枝適園一夕德星聚吳門千里
城郭非何時更侍歐陽卮

題張勇烈公樹珊遺像

烈士世共悲州民我所獨嗚呼飛將軍遺此圖一幅咸
豐庚申秋蛾賊徧南服我虞蕞爾邑蛇豕久窟族是時
金陵圍賊勢日已蹙謂當從上游次第掃狼福豈知兵
家謀碁局有反覆桓桓合肥軍萬輻輳一轂揚我江上
旌乘我下瀨舳舨登長沙尾直搗三吳腹我師固順動

妖燄亦反撲沈陷在須臾危哉一城哭張公從天來赴
擊一何速雨聲雜鼓聲雷電紛奔逐遊魂盪餘腥白骨
起再肉從此蘇與常乘勢若破竹公平真健者百戰無
一衄何意西征師大星墮安陸燕臺六月雨苦霧正黤
黤空堂展遺像鐵色森在目猶餘颯爽氣懍懍壓三伏
君家好昆季分任古岳牧籌邊重良策不事鯨鯢戮庶
從根本地培養元氣復時危思鼓鼙世靖歛弓韉嗟爾
江鄉人神祠永尸祝

題馮尹平幽窖雪鴻畫卷

尹平名玉衡廣東人嘗從軍廣西爲叛奴所訐

以爲通賊下刑部獄命王大臣會鞫無證從輕
戍伊犁其子煥光從出關已而煥光佐曾文正
幕旋授上海道而尹平已前卒煥光辭官訪父
骨得歸比歸至上海煥光亦卒疆臣以聞有
旨宣付史館爲立傳

寂寂園扉老畫禪郎官竊笑吏人憐臺烏知赦渾難信
籠鳥驚秋耿不眠揮灑默傷天壤大奔藏分付子孫賢
皋陶祠下東頭屋記我連牀讀易年

壬戌癸亥之際先
兄在請室余日往

來其
中

亭林奚事怒沈河吳季徒聞出塞歌萬里尋親今有幾

隻身負骨痛如何完巢生死恩難報題墓榮哀事已多
兩卷丹青皆血淚勉承苦志莫蹉跎

題馮吉雲觀察藝蘭圖

馮為竹儒
同年之弟

野人藝蘭一室芳士人藝蘭天下香一花已落一花起
看取君家兄弟行

君家昂昂兩名駒一談雖淺意有餘蘭兮蘭兮生有種
早晚擷取升天衢

陳公蘭甫已矣古經師灌翁老病畫亦稀君之二友亦吾

友荒江落月空愁思

送周子京

原祁

南歸

白雁黃花次第新
開樽爲送暫歸人
半生已老諸侯客
明歲來看上苑春
腹有詩書鬚鬢古
語多菽粟性情真

張王喬許通家舊

海州著姓皆先祖門下士也

消息因君到海濱

題黃雪軒

光燮

畫冊爲徐頌閣

鄒時頌閣將赴皖

視學

從來高易詩人意
不數縱橫畫史家
幸有九峯老居士
能開五色筆頭花

識畫真如論將難
萬人若箇是登壇
閉門深巷無車馬
冷寫秋光獨自看

秋鴻社燕兩參差
寒雨西風送客時
誰續城南新畫社

野雲水屋共談詩

朱野雲有
宜南畫社

爲徐小雲侍郎題袁通甫先生詩卷用卷中蘇齋詩韻

冬官大夫殊錄錄日夕程書計版築不知古有謫仙人
蛟澤藏名萬菰綠靜春堂集今再刻卷首題辭即龔璚
此卷題者十二人鮮于黃柳善識真後來一王二吳字
耿耿芒角星照晨遼哉大德迄正統呵護疑藉龍威神
蘇齋論詩重骨節少陵涪州本無別黏雲白雁渺秋天
第四樓高語淒咽當時嗤點豈無人祇與魚門瘦同說
五研文孫今幾傳西塘遺構猶巋然研亡人去書散盡

轉眼風燈又百年

五研樓主人袁中藏書家也

又愜乾嘉時吳

楓橋

虎阜到者少誰向赭墩來叩舷鯁生竊祿不知止愧嘗

築室荒山裏嘉禾侍郎瀟灑人家有鴛鴦萬區水同依

魏闕說江湖側想高風一興起

癸未

招友人小飲有感

朝食千鍾暮一盃榮枯豐嗇有殊塗困來瞋睡飢來飯
爲問龐公著意無

孤軍誓死闔城知噉盡鞋材與鼓皮幸有昌黎青史筆

尚憐南八乞師時

先兄文勤守壽州事

近局招邀得比鄰廿年重聚更相親
鐙前各訝鬚眉白

惻悵應劉地下人

是日松粹甫孫燮臣張子騰在座談及林錫三夏子松

今年以河流衛藏發策靳得熟於地形之士

白紵青袍十八州豈無鷹隼出高秋
書生能侈談天口
太息當年張石洲

題朱保之楓江感舊圖

道光庚子六月同龢侍大母避地於靈巖山館
蓋蔣氏墓廬也窮途棲屑全家獲庇其地在木
瀆去楓江不遠同治癸酉再往但見斷橋敗壁
而已因題此圖不勝感慨

胥江南去接橫塘喬木雖留草已荒一樣大觀樓畔月
暫時分築讀書堂

萬事乘除豈可期君看雙相蔣家祠慈烏別有辛勤意
不論新巢與故枝

風雨全家寄一舟靈巖山館我曾遊兒嬉奉母前生事
秉燭秋堂涕淚流

用東坡中秋月詩韻送士吉姪南歸

士吉洵吉士顏髯胸鏡清三度來謁我不憚轉海行去
年棘闥裏細雨雙門扃今年城南居挑鐙賦秋聲子老
倦行役我衰玷承明征鴻與病鶴安得常合并相逢塵

海中一笑真蓬萍寄聲西北風爲掃萬里晴吾懷無寵辱世論有重輕且盡一壺酒眷然邱隴情

孫燮臣新得日本唐寫經欲以見貽次韻却之

天平書迹永徽人

天平年當唐永徽年

若較歐虞隔一塵佞佛夷

風猶近古鈔經僧派屢翻新壁中鄭注知非僞火後秦

書倍足徵

日本近用秦西法易衣冠焚書籍

聞道剖肝有奇士海東文

獻未全淪

自改法後彼國有一士剖肝抱經而死

懷絕趨庭問字人兒嬉掣筆已前塵雲泉遺笑詩難和

渤海真書墨尚新

法華隨喜靈飛六甲經皆余家舊藏

頗愧鳳麟稱國士

敢誇雞鶩作家珍孫郎帳下才如海漫道珠光易隱淪

變臣再送次韻再答

落葉敲窗夜坐深挑燈展卷重推尋等閒龍藏猶神護

一樣虬浮竟陸沈

琉球爲日本所吞

解劍君真豪士氣據舷我

豈少年心錦鯨還客非無意可使焦桐得賞音

卷經火

況復君書致力深唐碑晉楷日研尋略參松雪神鋒活

兼仿天瓶腕法沈可是書生餘結習故知筆諫有精心

憑將一卷臨池訣付與官奴好嗣音

令子能書

變臣三以詩來次韻奉答

海外弓刀未解嚴東嶠雖遠若堂廉百家文字華夷雜

四裔衣冠寄棘兼

日本所刊書皆以日文旁注近更冠服如西人矣

宋本幸留

公穀傳

余仁仲穀梁注
宋本在日本

唐音誰補丙丁籤

日本佚唐詩
余有鈔本

區區翰墨渾閑事其奈憂時白髮添

自笑酸寒戒律嚴木名交讓水稱廉
評量書畫風流在
愛敬朋儕道義兼
投贈真同吳札帶
皮藏還付鄴侯籤
公餘客退無多暇
翻覺新詩日課添

瓶廬詩稿卷三

瓶廬詩稿卷四

目錄

題十三行五本爲李蘭孫相國

甲申

題羅忠節公小象用左相國韻

題陳鴻文先生蓑笠圖

題張樵野所收憚南田山水冊

彰義門外南泡子荷花最繁子密作圖乃名寶泉

河題奉一笑

竹瓶歌爲徐生

琪作

題吳禮耕遊迹圖爲心穀世兄

題錢警石先生冷齋勘書圖

題陸方山潤州論詩圖爲其孫鳳石洗馬

克勤郡王屬題張子青畫

放生池僧以秋花子三種見贈

乙酉

題恭聲雲

鎗

蕪湖送別圖

題畫鷹

題徐鐵孫年丈

策

詩縣令圖爲其孫石甫農部

四月直西苑長春書屋與松壽泉少年話衛藏形
勝少宰索詩因題其扇

次韻贈孫燮臣

四月廿三日西苑和燮臣韻

次韻贈壽泉

題張子青爲松壽泉畫扇

奉敕題克勤郡王畫蘭扇恭和御詩韻

又題二首

題扇贈啓穎之侍郎

秀

去年慶邸爲子騰畫扇今日展視乃極似南海直

廬次韻題扇背

次韻贈博多羅噶台親王

次韻贈慶郡王

次韻贈克勤郡王

遊西山見寶竹坡題名因書其後

題徐花農

琪璫闌玩月圖

題畫花果三首

見沈石田八椿圖戲摹一幀題詩次原韻

詠菜糊塗

題王麓臺畫富春山圖卷次張鹿樵文韻

題蔣戟門先生遺像爲其曾孫汝濟

丙戌

題趙次公學佛圖

題張雨生北墅主客圖

乙酉三月當塗人於龍山麓得古墓有鐙檠瓦缶
數物殘碑孟字可辨一時傳會爲孟嘉墓物旣散
失碑無拓本頌閣侍郎得殘甃有文曰鳳皇三是
爲孫吳時墓安得云孟嘉哉侍郎以拓本見貽題
三詩於後

丁亥

題白陽山人畫冊

端日朱書虎字於扇漫題一絕

題黃孝子尋親圖

羅烈婦詩

臨金吉金僧敲月下門圖

題趙四體千字文拓本

三題天瓶金書普門品經冊仍次前韻

題自畫草堂圖

徐小雲侍郎屬題湯貞愍三檜圖

題陳章侯畫博古牌刻本

戊子

題銘鼎臣同年

安養年別墅圖

題銘鼎臣扇三絕句

畫木筆花次陳白陽韻即題詠春姪孫扇頭

憶斌孫南中

題錢籜石闌中畫蘭

重九前一日用壁閒韻酬星叔大司馬

次韻再酬星叔

九月十二日填草榜畢口占

題王椒畦畫冊

瓶廬詩稿卷四目錄

瓶廬詩稿卷四

常熟 翁同龢 叔平

甲申

題十三行五本為李蘭孫相國

脫盡町畦氣轉道越州真影到常州

荆川本從石氏本出孫摹纖悉畢合

莫教錯認元和脚如此風神學得不

右荆川孫文介二本

白玉能追碧玉魂環肥燕瘦不須論

杭本有二白玉即碧玉覆本也漁人

網得之說余嘗辨之西湖船篙不用鐵尖

西湖自古篙無鐵安得蜂窩疊疊

痕

右杭州本

十九文錢字數行魯青

裴

手拓若林

王

藏人間合有淘

溝本怪底淤泥佛放光

京師有淤泥寺幢

山陰筆陣是門風氣味酸鹹迥不同誰翦高家一海宇

竟羈汝帖五行中

汝帖中刻十三行止五行八十九字右洵溝本

客退空齋靜自娛又循霜鬢起長吁閒將識畫看碑眼

默數中州士大夫

題羅忠節公小象用左相國韻

書生殺賊自公開學道方知將帥才完得平生忠孝事

漫疑失脚釣魚臺

題陳鴻文先生蓑笠圖

先生諱鴻字鴻文北山後裔魯山侍御之孫也

嘗爲翰林典籍明亡不仕有六十自壽集唐詩
一百十首七十如之奔雅倜儻有東林風氣圖
中題詠皆國初名流而吾五世祖蓼野公截句
一首在焉展拜悽愴敬題三詩

落木空山獨往時陶公遯迹已無詩試看百首唐人句
豈是先生自壽辭

麻鞋徧踏北山村挑澗東頭古墓門絡緯亂啼荆棘滿
不知何處葬詩魂

汝南清德媿前賢賣到城西屋數椽再拜敬題先友記

傷情二百八年前

蓼野公自分守河南道裁缺後拂衣
徑歸康熙丁巳戊午間正貧窶賣宅

時也敬按年譜有老友陳鴻文爲余孫作傳之語繫於丁巳年下此詩亦作於是年

題張樵野蔭桓所收惲南田山水冊

慧眼參將最上乘吾虞衣鉢有名僧

惲爲諦暉和尚弟子

高雲閣

上蕭寥筆回首湖山感不勝

若林評畫似論書苦道耕煙韻不如二老過江同一笑

風帆如鳥落潮初

曾見耕煙海門圖與惲公同舟論畫惲詩有風帆之句

丁藏古籍

雨生

李藏碑

若農

君又能兼畫癖奇

樵野喜聚書帖并能畫蓋

兼二公一篋雲煙九萬里歸來龍氣尚淋漓

樵野以蕪湖道留譯

署加三品卿銜將出使外洋

彰義門外南泡子荷花最繁子密作圖乃名寶泉

河題奉一笑

巴溝荷花比隱士走馬來尋泥沒趾南泡荷花如酒狂
唐突游人倚窗几巴溝不及南泡幽但有荷花皆可喜

彰儀門西古城角傑閣無名就傾圯袁公

小午侍郎

作堂我

題棼愛此清冷半灣水後來裙屐日喧闐我亦罷游經

一紀錢公觥觥吾輩人不樂紛華樂貧仕乍晴急雨偶

然耳偏有長歌詫新美新圖題作寶泉河令我推尋肚

畫指譬如熟客換生名對面相看尚疑似今年閏月熱

頗早已有青錢點溪涖公今不惜酒杯勤我亦重游續

前軌蓬萊方丈五雲閒白舫烏篷照金紫西江千頃未

足談何況區區南泡子

竹瓶歌爲徐生

琪作

瓶爲徐生六世祖文敬公潮所製茲以拓本徵詩

傳衣詎爲榮遺笏匪示夸烏乎孝子心百世長咨嗟徐
生東南彥牛行舊人家當時清風堂照耀浙海涯長淮
萬丈隄驅走龍與蛇至今浮山祠社鼓驚神鴉偶然留
竹瓶篆刻細字斜清名重宇宙妙製翳塵沙徐生得之
泣謂是神貺加不敢屢摹拓恐失匏搏窪嗟余久廢學
題詩目昏花感生述祖德新茗發舊槎要從根節起養
到枝杈孑立身惟勁直守口避囂譁鐘鼎君家物豈徒
紹清華

題吳禮耕遊迹圖爲心穀世兄

圖凡十
二幅

俗儒讀書仕進機通儒讀書知者希深山陡壑人迹絕
中有松樾大十圍東家駿駒墮地肥西家鶴雛刺天飛
蕭然一翁獨何事二十五年窮不歸論文校藝古云樂
奈此南國多旌旂當時士氣貴沈靜豈肯挾策干彤闈
盧溝西行具驂駢太行山色沾人衣衙齋菽水足淡泊
醞釀花國開芳菲先生作圖止於是令子抱畫長歔歔
冷官倉曹不療饑但見空室垂伊臧白頭郎潛君莫歎
心穀由部司
務爲倉監督君有後起來頎頎秋堂如水暑氣微蓬蒿
作花晝掩扉我官禁闥二十載孤雲獨鳥無因依却有

一事生悲睟亦如先生志願違倚空長劍星斗活渺彼
螟蛉與蠹蟻從軍之圖我所喜酸寒一洗儒冠譏

題錢警石先生冷齋勘書圖

我本海角人少遊浙海涯稍窺振綺堂亦過別下齋獨
我丈人行緣疏一面乖海昌故學舍修篁雜高槐不足
容軒車頗容百籤排晚節遭寇亂扁舟落江淮船頭置
圖書舵尾載米柴雲山浩無窮寄我萬古懷寂寥風雨
晨雞鳴聲啾啾

家世事詩書父兄有遺言慎守冷官風毋改雀羅門近
者通賓客頗聞車馬喧典衣買破書欲讀席不溫老眼

艱識字況乃性道尊莫言客不來客至我踰垣俗客我所畏嘉客苦我煩千章杞梓林何處著窮蹇永愧鄉邦人著書老邱園

錢君歸奉親穠粃視通顯少年逐文字知君蓋已淺

謂

盜同年貽我甘泉稿再拜淚涕泣侑以衍石集苦道讀者

渺二書信宏博所得在實踐儒林與文苑史筆強分辨

先生與衍石翁事蹟著述並付史館

要知忠孝性一行貫百善世無頤性

老斯義孰與闡卓哉冷齋題足配徵脊扁

衍石翁有徵脊齋扁

題陸方山潤州論詩圖爲其孫鳳石洗馬

冷官詩人如瘦鶴咀嚼冰霜晚寥廓可憐烽火滿江紅

猶抱危巢牢著脚意若之集我未見

方山先生有意若集

敢以庸

虛漫忖度要知畫裏本無詩縱欲談詩何處著遺詩
槩木畫藏橐兩世龍門得付託當年海嶽米家庵
今日青藜天祿閣幅巾逍遙一笑樂亦有新篇互商
略青絲絡馬退朝人麗句雖多筆鋒弱是日霜寒風
隕籜紙窗竹屋深帷幕酒醒忽憶好江山鶴去城空
人寂寞

克勤郡王屬題張子青畫

直廬鐙火夜沈沈走檄飛符計畫深誰道東華門外
路退朝有箇老雲林

朱邸清貧莫與傳買書往往典貂裘尋常鑒畫談詩
訣

已較時賢勝一籌

乙酉

放生池僧以秋花子三種見贈

傲他青李與來禽分得禪房數粒金一種嬌黃好顏色
不知可有向陽心秋葵

弱比凌霄輕比霞圓於金彈薄於紗莫教錯認銚籠錦

臣里原無進御花

銚籠花

簌簌清陰數寸長居然七月弄清香人間多少南柯客

才見黃花便著忙

江南槐亦
草花也

題恭聲雲 銚蕪湖送別圖

投紱緣何事扁舟今已歸旌旗空杳杳草木尚依依江
水無情碧間雲自在飛寄聲諸父老苦淚莫沾衣

聞道霜臺使鋒車號令宣頻裁雒陽賈頗治潁川田
帖量官燭焚書損俸錢平生豪宕氣肯泛五湖船

斗絕鳩茲縣雙磯我所經躉船高過屋鐙塔亂於星

此新事西人關卡人聲雜魚鹽市氣腥可憐江渚月高詠竟

誰聽

屬爾一樽酒衡門且息紛岑參好兄弟李廣舊將軍

君兄

振夔將軍方以疾在告並轡尋春晚連牀話夜分行藏吾道在此

事總浮雲

題畫鷹

不羨雕籠與錦條，迴然獨立似人豪。
莫矜畫壁森頭角，會見雲霄奮羽毛。
鐵幹自撐知勁骨，玉輪無翳鑒秋毫。
畫有松月 鑪煙不動槐陰靜，閒看風前燕雀高。

題徐鐵孫年丈榮詩縣令圖爲其孫石甫農部

落落斜行墨未乾，相公真不厭酸寒。
阮太傅嘗札呼丈爲詩縣令因以作

圖禮堂弟子擎經手，却費千言釋縣官。
卷內有作縣令解義者

亂鴉灌木擁祠門，
丈於漁亭戰歿建祠於此 過客來尋碧血痕。
自古

詩人本忠孝，九歌第一國殤魂。

後生未及拜詞豪，喜見孫枝百尺高。
海內盡知詩縣令，

更無人識冷倉曹

石甫名麟光戶部郎中曾攝坐糧廳監督

四月直西苑長春書屋與松壽泉少宰話衛藏形

勝少宰索詩因題其扇

西掖通青瑣南臺倚紫微鷗分經士席花拂侍臣衣朝

散鷗鈴臥時平羽檄稀側聞閔雨詔猶恐一民饑

時正祈雨

萬里西南使歸來鬢未霜眼空蜀山碧身帶佛雲香舊

迹曾聯步

曾同充起居注官

新班又綴行隔橋人指點三鶴立

長廊

次韻贈孫燮臣

吾愛孫夫子清談動入微晝眠時隱几風坐屢添衣海

國兵初罷畿畧雨又稀司農慎金穀第一恤民饑
白首論昆季相期耐雪霜山薑餘辣性圃菊抱寒香講
職叨聯袂經師敢抗行吾衰多闕失何以立朝廊

四月廿三日西苑和變臣韻

玉輦躬扶灑掃親六飛遶遶度重闈儒臣退食渾無事
只有詩篇日日新

蓬壺樓觀湛虛明中有仙禽相和鳴一草一花皆可敬
九朝雨露爲滋榮

回首西清一夢中漫將衰筆鬪清雄子雲久薄長楊賦
敢草新銘篆絳宮

十載橫經玉案前清班猶得列羣仙
傳柑賜萬年光迅更看荷花六月天

次韻贈壽泉

橐筆朝朝講幄親臣居只隔鳳城闈
鑪煙不動槐陰轉靜裏工夫有日新

經術商量大義明吾儕求友重嚶鳴
賞花垂釣尋常事漫說儒生稽古榮

威棱端在撫綏中清到無塵氣自雄
無數羗戎爭控馬願留玉節梵王宮

却俗軒臨菜圃前鈔書讀畫小神仙
何時同泛昆明櫂

一看西山雨後天

題張子青爲松壽泉畫扇

白髮江南舊使君，詩篇酒斝意慇懃。
故將筐裏絲綸筆，閒寫江天錦繡雲。

南宗薈落北宗多，其奈當時贗本何。
無數誰華秋色卷，幾人能識趙鷗波。

三年持節走鋒車，看遍蓬婆塞外花。
壽泉嘗爲駐藏大臣一角蜀山黃似赭，不知何處是金沙。

奉 敕題克勤郡王畫蘭扇恭和 御詩韻

大智無偏好天心，自右文偶然論畫理。
隨意寫幽芬，書齋

餘暇口敕親藩奉心花妙筆紛一揮煩暑退奚事詠南
薰蘭

本是江皋種孤芳託主知素心常獨抱介節敢輕移風
露滋培處庭堦秀發時有言金可斷願繹聖人辭

又題二首

畫史徵遺獻三吳有沈

周

文

徵

寫生能得趣潑墨並流

芬真本臣能識浮談世自紛近來王惲輩亦頗藉陶薰

曲藝猶如此論經更可知義名當細剖師說未容移虞

鄭分箋處詩騷並引時

謹案蘭即蘭又通作蓮凡經傳蘭字虞鄭皆訓香草即藥品中

澤蘭非今所謂建蘭蕙蘭也

聖功超訓詁漫補白華辭

題扇贈啓穎之侍郎秀

玉署聯班日霜臺接迹時
葛公惟謹慎揚子好覃思
帝簡隆三錫皇華賦載馳
陪都根本地民俗要維持
渺渺渝關路征輶幾度經
白榆前後所紅草短長亭
馬汗知沙輭裝輕任雨零
廟堂須杞梓遲爾侍天庭

去年慶邸爲子騰畫扇
今日展視乃極似南海直
廬次韻題扇背

曲徑通瑤圃高齋坐翠微
石森松擁笏苔繡壁生衣
池上逍遙慣花閒來往稀
朝朝分玉簍爲念侍臣饑
誰寫蓬壺景居然葉帶霜
好詩先有兆宿墨尚餘香

題

詩似爲今日發本具煙霞興應陪劍履行敬承天語重且莫走

風廊

子騰在告屢蒙垂詢命勿入直也

次韻贈博多羅噶台親王

朔部隆藩翰中樞翊太微鑣聯驂乘馬汗溼退朝衣遮
迥形扉靜傳宣玉漏稀十圍稱腰腹應笑腐儒饑

回首先朝事相從已廿霜艱難同血淚宛轉有心香何
意龍鸞侶還聯鷁鷺驚行茵憑聯坐處忍憶殿西廊

同治年間

與王同在弘德殿

次韻贈慶郡王

朱邸新開府

今年晉封

聰明妙洞微家家畫團扇字字繡弓

衣

詞翰之妙海東知重王時總理各國事務也

體國謨猷重憂時笑語稀雲

帆齊轉海差喜慰朝饑

海運放洋賴王籌策

一揮三十幅寫徧洞庭霜筆勢萬鈞重墨花五色香瓊

瑤應接席

紫瓊瑤華道人

王

石惲壽

儼分行更乞摹雲手來圖

綠意廊

北海直廬在綠意廊

次韻贈克勤郡王

一身通六藝力學得淵微餘事能穿札新恩重賜衣

大得

卷

金門從昔貴珠履近來稀應有蓬蒿士栖遲歎癯饑

妙絕論詩畫甘如啖蜜霜籤分南北派帙有宋元香欲

乞圖三丈兼題墨數行他時虹月影照我小筠廊

遊西山見寶竹坡題名因書其後

袞袞中朝彥何人第一流蒼茫萬言疏悱惻五湖舟直
諫吾終敬長貧爾豈愁何時楓葉下同醉萬山秋

題徐花農

琪

環闌玩月圖

名流遠想萬松堂近代惟聞戴鹿牀

兩公皆有
藍筆畫

難得風

簾官燭下一時二妙說徐黃

分校黃枚岑編
修彝年亦工畫

清秘槐廳溯舊聞幾人攜幼陟青雲十洲同看今宵月

獨許臣家有二分

姪孫斌孫亦充分校奉
特旨毋庸迴避異數也

老來已覺筆頭乾慚負參詳文字官畢竟愛君是蘇軾

解吟高處不勝寒

題畫花果三首

便應化作菩提樹刪盡纖纖十指奇曾見天題鼻功德

乾隆御畫佛手上
題鼻功德三字

人閒豈合再題詩

佛手
拈

南方草木皆奇特獨有枸櫞近合歡幸有天生味酸澀
不隨梨橘薦春盤

香圓

孤幹單花瘦葉柔春風開後又開秋蘂蕪本是江南種
不傍溫州與建州

秋蘭

見沈石田八椿圖戲摹一幀題詩次原韻

卅年住京師歸老無一莊喜此蝸牛廬安我折脚牀平
生嗜沈畫擬築耕石堂

瞿忠宣有
耕石堂

不愁四壁空但愁鵝

絹長蕭條八楮圖禪房豔秋霜上題一篇詩出入蘇與

黃月澗爾何人

沈爲月澗和尚作

茗椀得共嘗惜落俗子手摹

本多尋常我畫作矮幅蘭亭縮鐙光幽處自展看不付
人評量

詠菜糊塗

江淮閒屑麥和菜入釜調之曰菜糊塗 先祖

在海州時舉家所常食者同餠熟其名而未知
其味一日燮臣以此見餉既薦於寢追憶八十
年舊事感歎不已

再拜驚呼麥一盂老來才識菜糊塗海州學舍齋廚味

柔滑香甘似此無

一飯艱難世豈知當年豆屑雜麤皮

道光三年吾邑大水母執爨以米奉

大母而全家食糠糲

孤兒有淚無從嚙不見耶孃喫粥時

隔巷孫兄德有鄰炊藜餉我倍情親夜長月落尖風緊
多少窮欄忍餓人

題王麓臺畫富春山圖卷次張鹿樵丈韻

張鹿樵先生 先公執友也嘉慶丁丑庚辰閒

先公在京師過先生邸舍無虛日道光戊戌

先公歸養而先生病已不起其後書畫散落

此卷自怡悅軒記中所不載蓋記成於道光十

二年此卷得於十六年也今年六月見於廠肆
遂以工部飯銀三百收得之

嗚呼先友久凋隕洛社荒蕪少微隱北門半野舊山莊
修竹高槐今已盡掃花庵主古仙伯丞相家風溯忠藎
畫禪參透董華亭子畏衡山太苦窘我生愛書兼愛畫
不惜傾囊與倒囷亦曾隨俗說三王終以司農作標準
一朝覩此富春圖重是瞿木夫以張舊藏本炯如塵海
贈鹿丈張舊藏本炯如塵海
遇仙真快若晴空下秋隼市兒豈識伐檀意酬以兼金
苦不允忍飢且買好雲山安用緘題密且鎮賦詩敬告
鹿樵翁並爲後生作嚆引

丙戌

題蔣戟門先生遺像爲其曾孫汝濟

公子承華日熙朝最盛時國恩勲爵祿家學畫書詩玉
塵常蕭散金魚互委垂等閒一幅絹亦足繫人思

聞道長安邸西臨淨業湖紅雲蓋明鏡碧玉浸方壺畫
舫家家有珠簾面面俱即今鄭公宅無路賜臣暮

百卅年中事榮枯豈足論題詩多老輩贖畫有賢孫清
節衣冠古高門草木尊治家如養氣息息要歸根

題趙次公學佛圖

丙戌夏猶子鹿卿攜次公學佛圖來中元日大

雨獨遊城南招提衣袂盡溼歸而書此以寄次
公知余此情也

鬚鬢昌丰眼有棱豈應危坐學山僧魚肥稻熟花猶美
如此參禪我亦能

聞道腰圍減已頻黃金揮盡不言貧世間佛子多於草
愧爾權奇侔儻人

次公不見苦相思笑我塵勞遠索詩我却偷閒看花去
放生池上雨來時

題張雨生北墅主客圖

此卷皮余篋中三年矣丙戌雨生解黃絲來京

師相見甚懽然未嘗索及此也歲暮檢書忽得
之既念良友合并之難復感雨生不索之意因
盡和卷中三詩一懷亡友一寄次公最後一首
乃與雨生相酬答耳

今歲忽已過來歲又逢閏嗚呼三閏中人事太飄迅悠
悠我之思耿耿如疾疢此語當告誰何苦相問訊墓銘
三十字一揮吾弗吝譬如籠中鶴悲吭有時振惜乎塵
埃中得此時亦僅世人不識我疑我筆頭慎嗟嗟楊夫
子夙昔我交親白頭早汗青短晷敢閑哉謂濛叟墓銘
久而未就
昨得山中書次公苦肺疾戒酒與學佛兩事并蕭瑟我

今習跪拜真氣入腰膝轉輪朝三三繞塔夜七七雖然
骨髓枯健步固無匹平生故人心苦語要規切養身如
養兒一事莫輕率凌霄亦已花娑羅亦已實勤沽北市
酒此景不可失慎汝醫與藥餉我棗與栗期我三年歸
今年歲丙戌

寄次公

張君淡蕩人於俗百無適城南甕握手今夕是何夕藏
君詩與畫三載負諾責對面不索還此意真莫逆我生
如寄耳風斷雁行隻緬思十年事時日歎虛擲匡衡不
抗疏賈生未前席矻矻老蝨魚依依守故籍君看北墅
游俯仰已陳迹能來守歲否就我東華宅

贈雨生

丁亥

乙酉三月當塗人於龍山麓得古墓有鎗斃瓦缶
數物殘碑孟字可辨一時傳會爲孟嘉墓物旣散
失碑無拓本頌閣侍郎得殘甃有文曰鳳皇三是
爲孫吳時墓安得云孟嘉哉侍郎以拓本見貽題

三詩於後

侍郎贈余一瓦豕白
質無釉古拙可愛

江東王氣已成煙石印銀符總可憐或者蘭臺東觀令
低顏竟刻鳳皇甃

試院重門日日扃隔城愁見遠山青何緣覓得孫吳鳳
壓倒南朝瘞鶴銘

紛紛傳會不須論
冷笑西風落帽痕
姑熟龍山有孟一萬年落帽石
字殘碑何處訪
亂雲黃葉孟家村

題白陽山人畫冊

空中無色色原空
妙具清涼十種風
去年夢領略白陽

真意思千秋只有馬寒中
馬思贊字寒中一字南樓海甯人善畫蟲鳥亦能山水精

篆刻其弟翼贊字寒將畫筆秀潤有寶穎堂詩集雍正中名流也此冊有寒中印漫記之

端日朱書虎字於扇漫題一絕

幼具食牛量壯懷
飛兔奇養身當養氣
慎勿學狐疑

題黃孝子尋親圖

此尋親圖真蹟蓋自沅靖粵西之界特入苗地

以達大姚者也余見此圖多矣皆僞本此獨筆
力蒼堅真氣填塞展閱起敬卷後十五齡童子
所書尋親記與知不足齋所刊小有異同

溼盡行膝踝血痕蠻天龍虎亦銷魂叩頭無語匆匆去
漫戴吾頭過棘門

羅烈婦詩

湖北宜昌總兵羅摺紳號笏臣本姓賀復姓羅
以其子婦殉夫請旌寄書徵詩遂書一首於冊
昨得江上書淒風颯盈紙哀哉乘鸞仙竟殉鳳雛死成
仁亦何憾一昔千古矣惟有重闡心過時悲不已桓桓

羅總戎忠孝固無比上書乞復姓吏議梃中止吾嘗與
之言清淚瀉如水終邀帝天鑒感激雜悲喜白頭奉阿
母富貴真糠粃有蘭生庭階芳華蔚然起不隨時俗好
翩翩事書史謂當成偉器唾手拾青紫奈何初發軔摧
此驥千里蒼蒼夷陵山中有木連理長條旣萎折柔枝
失因倚從容閉閨閣悶默弄刀匕甘裂九迴腸萬古瞑
不視褒揚朝有典驚歎野有紀宜從秭歸峽往配孫妃
祀羅君至性人式穀固應似我作烈婦詞用以代銘誄
臨金吉金畫僧敲月下門圖

精廬一角占山邨時有幽人來叩門莫泥閭仙舊公案

老夫詩畫本無痕

題趙四體千文拓本

丁亥十月與白松泉夜話松泉出其大父蘭巖
先生舊藏此拓相與贊歎前後經先生手跋復
有壽陽相國題識洵可珍矣不佞嘗追隨先生
於書攤畫肆忽忽三十年今乃獨與松泉翦鐙
對坐嘻可慨哉然他日與先生之宗者松泉也
書此以爲左券

三體石經後誰歟筆勢雄人知鐵門限我羨水晶宮名
集留長慶遺書付小同青雲無限路拭目望飛鴻

三題天瓶金書普門品經冊仍次前韻

士夫開口說歐羅蒙邸還成相見坡龍象已荒菩薩睡
筆頭無杵可降魔

左藏金錢費億千摺紳無事且談禪濁河波浪掀天惡
此是東南再厄年

題自畫草堂圖

夢裏新添竹數行城西聞有小茅堂他年炒豆呼村酒
莫忘官廚臘粥香

徐小雲侍郎屬題湯貞愍三檜圖

圖爲千波徵君作蓋祝其七十

壽者

道人胸鏡已超然何事圖傳海屋仙

吳仲圭有此圖壽九十二翁陳海屋

多少世閒閑草木自榮自落自忘年

槩槩真氣壓乾坤三檜長留鐵石痕我有乘鸞白團扇

風流還憶舊王孫

余藏貞隱畫插花小影

姓名未肯挂朝紳第一清才是隱淪緇遍江湖高士集

千波渺渺爾何人

千波徵君竟未詳姓氏

琴隱園空水竹荒行人繫馬一徬徨數行小簡千秋筆

只說杭州戴鹿牀

小雲來札謂貞隱畫品與戴文節並重此史論也

戊子

題陳章侯畫博古牌刻本

冊為黃小松故物戊子正月收得之

長嘯江潭有餓夫低顏來對牧豬奴不知十萬腰纏客
可抵三酸博士圖

桑孔區區言利臣陶朱猗頓善謀身可憐寒乞書生腹
公輩能容數百人

題銘鼎臣同年

安養年別墅圖

戊子三月十七日雨中過鼎臣同年養年別墅
海棠正開飲於花下抵暮乃歸明日爲題此圖

次鼎臣韻

與君相從何所似駿馬聯鑣鴻雁起傷心莫賦漢陂行
投老聊尋鐵溝水珠茵繡幃馳華輶洛陽名園公與侯

宮花寂寂無人問，禾黍離離知我憂。

別墅距南淀二里

一邱一

壑，君能有且斫白魚買村酒，籜冠藤杖試行吟。落日孤雲重回首，六年邊環志匡時。世上紛紛那得知，金城三對皆長策。上郡孤軍是健兒，白頭我亦嗟憔悴。堆案文書無處避，偷閑飽看海棠花。不惜歸途逢醉尉。

題銘鼎臣扇三絕句

萬綠叢中點一螺，此亭真是小盤陀。名園多少看山閣，

其奈青山偃蹇何。

此園無牆

蒼莽羣山接大同，龍沙雁磧渺難窮。莫嫌一角溪堂淺，容得人閒萬里風。

日日朝衫倚畫船
鬢絲慚對鏡中天
偕君縛竹三閒屋
著我看花兩散仙

畫木筆花次陳白陽韻即題詠春姪孫扇頭

老夫綵筆今憔悴
喜見家庭蘭玉姿
贈汝一花還默祝
明年爲汝倒金卮

秋闈憶斌孫南中

一笑秋堂再到時
酒樽畫卷懶重持
夜闌雨過寒蛩歇
誰和先生翫月詩

題錢籜石闈中畫蘭

翼軫前頭指使星
秀州太傅舊頻經
乾隆庚午錢文端再典江西試寄籜

石詩有悔不重遊廬阜邊之句廿年重續金哥夢錢文敏主試江西人夢今年金哥哥來金

哥者金戈也老桂高梧覆鏤廳

風簾三度燕還家篋裏常攜澹墨花牆粉尚新釘眼在

不須頻試玉鴉叉余三次入闈皆住聚奎堂之西屋此畫亦三懸壁矣

重九前一日用壁閒韻酬星叔大司馬

莫因文字締交深天語森嚴重鑒臨通識豈無朱竹

垞微言況有顧亭林乘車戴笠前盟在官燭風簾舊夢

沈記取白頭老兄弟酬知各勉濟時心君爲先公所識拔蘇亦尋文

恪公之知垞字古讀作入聲故借用可笑可笑

次韻再酬星叔

君能繼武真王輩我坐論兵似顧臨豈意白頭同典校
敢言倦羽早投林脫巾走詣晨餐廢挾卷商量夜漏沈
太息醉翁門下士要知叔弼久傾心

宦轍聯裾結契深瓊闌何幸獲同臨雄篇端合稱詩伯
真鑒還宜式藝林遼海舊遊懷悱惻河湟坐定勇深沈
明朝放榜蕭閑甚誰識吾儕仰屋心

九月十二日填草榜畢口占

蠟燭燒殘夜已深海棠梢上月來臨唱名錯認登科錄
程墨真慚著作林比似飛花爭上下居然剖竹聽浮沈
酒醒夢斷知何處銷盡青衫獨客心

題王椒畦畫冊

光緒十四年除夕於景運門外朝房得此因紀二詩

燈火黃塵九陌闌
峭風薄冷逼殘年
消寒韻事猶堪紀
尚負朝房買畫錢

易畫軒中老畫師

先人氣誼最相知
湖山中有淵源

在想見金陵寄扇時

椒畦先生與先祖為乾隆癸卯同年交誼最篤甲子秋先生在金陵寫梅花一枝寄此冊亦甲子年作

州至今珍弄此冊亦甲子年作

瓶廬詩稿卷四